

Broj: 03-02-649/2021
Sarajevo, 17.12.2021. godine

PARLAMENT FEDERACIJE
BOSNE I HERCEGOVINE

- Predstavnički dom -
gosp. Mirsad Zaimović, predsjedavajući

- Dom naroda -
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 17-12-2021			
Org. Jed.	Broj	Priloga	Vrijednost
01,02	- 02-	1829	21

B

PREDMET: Veza naši akti broj: 03-02-649/2021 od 17.09. i 13.10.2021. godine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 184. i 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i čl. 177. i 178. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **AMANDMAN VLADE FEDERACIJE BOSNE I HERCEGOVINE NA PRIJEDLOG ZAKONA O IZMJENAMA I DOPUNAMA ZAKONA O PENZIJSKOM I INVALIDSKOM OSIGURANJU**, koji je utvrdila Vlada Federacije Bosne i Hercegovine na 295. sjednici, održanoj 16.12.2021. godine.

Amandman Vlade Federacije Bosne i Hercegovine postaje sastavni dio Prijedloga zakona o izmjenama i dopunama Zakona o penzijskom i invalidskom osiguranju, koji sam u parlamentarnu proceduru, radi razmatranja i usvajanja po hitnom postupku, dostavio aktom broj: 03-02-649/2021 od 17.09.2021. godine.

Amandman se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



PREMIJER
Fadil Novalić

Prilog: kao u tekstu na bosanskom jeziku

Cc: Federalno ministarstvo rada i socijalne politike
gosp. Vesko Drljača, ministar

Na osnovu člana 73. stav (4) Poslovnika o radu Vlade Federacije Bosne i Hercegovine-Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), Vlada Federacije Bosne i Hercegovine je, na 295. sjednici održanoj 16.12.2021. godine, utvrdila

AMANDMAN
NA PRIJEDLOG ZAKONA O IZMJENAMA I DOPUNAMA ZAKONA O PENZIJSKOM I INVALIDSKOM OSIGURANJU

AMANDMAN

Član 6. stav (1) mijenja se i glasi:

„U članu 79. stav (1) iza riječi „procenta porasta“ i riječi „stope rasta“, riječi: „realnog bruto društvenog proizvoda“ zamjenjuju se riječima „bruto domaćeg proizvoda“.

Obrazloženje

Termin bruto društveni proizvod se obračunavao u sistemu bivše SFRJ, koji ne obračunava i ne objavljuje Federalni zavod za statistiku. Naime, isti objavljuje podatke o bruto domaćem proizvodu, a koji termin je u skladu sa evropskim statističkim metodologijama, te je iz tog razloga izvršena zamjena navedenih riječi. Pored terminološkog usklađivanja kroz izmjene i dopune Zakona PIO, ovim amandmanom brisana riječ „realnog“ ispred riječi „bruto domaći proizvod“ je dovela do toga da se praktično „umanjuje“ porast penzija u odnosu na porast potrošačkih cijena i nominalni rast bruto domaćeg proizvoda, a što je u konačnici dovelo do slabijeg socijalnog statusa penzionera. U cilju otklanjanja ovog problema na zajedničkom sastanku predstavnika Udruženja penzionera Federacije BiH, Vlade Federacije BiH i Federalnog zavoda za penzijsko i invalidsko osiguranje, dogovoreno je da se sačini Prijedlog amandmana na Prijedlog zakona o izmjenama i dopunama Zakona o penzijskom i invalidskom osiguranju.

V. broj: 1849 /2021
16.12.2021. godine
Sarajevo



PREMIJER

Eadil Novalić